

ՈՒՇԵՆԹԱԿԱՆ ՄՆԷԻԳ ՊԵՏՈՒԹՅՈՒՆԸ
(ըստ հիերոգլիֆային լավիերեն աղբյուրների)

ԱՐԱՄ ԳՈՍՅԱՆ

Խեթական պետության կործանումից հետո (մ. թ. ա. XIII դարի վերջ) նրա տարածքի մեծ մասում ստեղծվեցին մի շարք մանր պետություններ և այստեղից կազմավորումներ, որոնց բնակչության հիմնական մասը կազմում էին խեթա-լուվիական լեզվախմբին պատկանող ժողովուրդները: Այդ պետությունների շարքում իր ուրույն տեղն ունի Մելիդը, որն իր մեծությամբ և հզորությամբ առանձնանում էր Փոքր Ասիայի մյուս պետություններից: Ուշխեթական շրջանի Մելիդի՝ գրաված տարածքը, որն ընկած էր Փոքր Ասիայի արևելյան մասում², մեծ դեր էր խաղում Խեթական պետության կյանքում: Նրա նշանակալից մասը մտնում էր խեթերին ենթակա «Թա/եգարամա երկրի»³ կազմի մեջ, որն արևելքից սահմանակից էր երկաթի հարուստ պաշարներ ունեցող Իսուվա երկրին՝ Նփրատի ձախափնյա մասում՝ Արուծանի-Մուրադսուի միախառնման շրջանում: Այս տարածքում էր գտնվում նաև խեթական մշակութային և պաշտամունքային կարևորագույն կենտրոններից մեկը՝ Լա(խու)վացան-տիյան⁴, որ ինքնին արդեն խոսում է Մելիդի տերիտորիայի մի զգալի մասի՝ որպես խեթա-լուվիական էթնոսի բնակեցման կարևորագույն օջախ լինելու մասին:

Մելիդ քաղաքի՝ մասին առաջին վկայությունը ետխեթական շրջանում վերաբերում է Ասորեստանի թագավոր Թիգլաթպալասար I-ին (մ. թ. ա. 1115—1077 թթ.), երբ վերջինս հայտնում է այդ քաղաքից մ. թ. ա. 1112 թ. հարկ դանձելու մասին⁵: Հետագայում էլ, խոսելով Նփրատի աջափնյա շրջանների մասին, ասորեստանյան և ուրարտական թագավորներն այստեղ հիշատակում են Խաթթի/խաթե/խաթինիլի «երկիրը»:

Մելիդի, ինչպես նաև մյուս ուշխեթական պետությունների պատմության և մշակութային դիտական ուսումնասիրությունը ննարակող է դարձել մեր դարի

¹ Մելիդի ավերի ուշ շրջանի պատմության մասին տե՛ս Ի. Մ. Дьяконов, Предыстория армянского народа (այնուհետև՝ ПАН), Ереван, 1968, с. 182—189.

² Մասնագետների միահամուռ կարծիքով Մելիդ քաղաքը գտնվել է այժմյան Մալաթիայի մոտ ընկած Արսլանթիսի բնակավայրի տեղում, որի պեղումների նախնական արդյունքները ներկայացված են Դելապորտի աշխատությունում (L. Delaporte, Malatya, Paris, 1940):

³ Տե՛ս ասուր. Թիլ-Գարիմմու, Աստվածաշնչի Թողարմա, հայկ. Տոն Թորգոմայ. տեղադրության համար տե՛ս G. F. del Monte und J. Tischler, Die Orts- und Gewässernamen der hethitischen Texte (Repertoire Geographique des Textes Cuneiformes, B. 6), (այնուհետև՝ OGH), Wiesbaden, S. 383—384.

⁴ Նույն տեղում, S. 237—238:

⁵ Հին արևելյան դրավոր աղբյուրներում շատ հաճախ որոշակի շրջաններ և նույնիսկ պետություններ կրում են իրենց գլխավոր քաղաքի անունը, շնայած նույն աղբյուրներին լավ ծանոթ էր ավելի շուտանի՝ որևէ էթնոսի պատկանելի: Նփրատի շրջանի խոստովելու նպատակով այսուհետև «Մելիդ» անվանումը կկիրառվի նշվող համար պետության ողջ տարածքը:

⁶ Տե՛ս A. K. Grayson, Assyrian Royal Inscriptions, II, Wiesbaden, 1976, I, 32: Մի այլ արձանագրությունում Թիգլաթպալասար I-ը Մելիդն անվանում է «Մեծ Խաթթիի երկրի քաղաք» (RIA III, p. 152—159):

կենսերից սկսած, երբ հաջողությամբ վերծանվեց փոքրասիական հիերոգլիֆի-
յին գիրը⁷ Առ այսօր 300-ից ավելի արձանագրություններ և մեծ թվով կենդանի
են հայտնաբերվել Փոքր Ասիայում և Հյուսիսային Արևելքում, որոնք արդեն
այժմ կարող են հիմք ծառայել այդ շրջանների պատմության ուսումնասիրման
համար։ Հարկ է նշել, որ այդ արձանագրությունները որոշ վերապահումներով
միայն կարելի է օգտագործել ուսումնասիրության ընթացքում, քանի որ դեռևս
պղպիժ քանակությամբ նշաններ և բառեր չեն գտնվել իրենց բավարար մեկնա-
բանությունը։ Սրան պետք է ավելացնել նաև այն, որ արձանագրությունների
մեծ մասը շատ փոքրածավալ է և արաֆոստային բնույթ ունի։ Նման հազվի
առններ նաև շատ արձանագրությունների չճշգրտված ժամանակագրությունը,
ապա պարզ կդառնա, թե որքան դժվար է այս կամ այն պետության կապակց-
ված պատմության շարադրումը։

Մեկիցից հայտնաբերված երկու տասնյակից ավելի արձանագրություն-
ների⁸ ուսումնասիրությունը կապված է որոշակի դժվարությունների հետ։ Իս-
կա սխառնի արևելակությունն է։ Մեկիցյան արձանագրությունների ընթաց
գիծը դադարադրողի լայն կիրառությունն է և շատ նշանների անստույգ
թվերի կատարումը։ Անստույգ վատ է արտահայտված մյուս պետությունների ար-
ձանագրություններին հատուկ զարդացումը զարգափարազների լայն կիրառու-
մից դեպի վանկային գրի, ինչպես Կարգամիսում, Քարալում և այլուր⁹։

Մեկիցյան արձանագրությունները իրենց ներքին կառուցվածքով չեն տար-
բերվում մյուս արձանագրություններից՝ ա) ներածություն, բ) հիմնական բու-
վանդակություն և գ) անեծքի բանաձև։ Հասկապես ուշադրության է արժանի
արձանագրությունների ներածական մասը, որը պարունակում է կազմողի ան-
ունը, իրա արտաբանները և ծագումնաբանությունը։ Ի տարբերություն մյուս
ուշխոթական արձանագրությունների, Մեկիցի թագավորները հիմնականում
առհասարակական են իրենց անունները նշելով և միայն երկու դեպքում են
հիշատակում սեփական տիրույթները (Izwin, Sirzi)։ Մնացած դեպքերում
առկա են միայն նրանց անունները, չնայած կանոնավոր հիշատակվում են
նախնիների թիվ անունները և թե՛ արտաբանները¹⁰։ Անդրադառնալով Մեկիցի

⁷ Հիերոգլիֆային գրի վերծանման «ըզյուններ» տվեցված են Էմիլյոյ Լարոշի արձանագրու-
նեում E. Laroche, Les hieroglyphes hittites. Première partie (այսուհետև՝ IHI),
Paris, 1960, P. Merigat, Hieroglyphisch-hittitisches Glossar, Zweite, völlig um-
gearbeitete Auflage (այսուհետև՝ HHC), Wiesbaden, 1962, Զույնի՝ Manuale di eteo-
geroglifico, P. I-II (այսուհետև՝ MEI), Roma, 1956-1975; Վերջին տարիներին այս
բնագրավածում զգալի ներդրումներ են կատարել J. D. Hawkins - A. Morpur-
go-Davies - G. Neumann, Hittite Hieroglyphs and Luwian: New evidence for
the connection [Nachrichten der Akad. der Wiss. in Göttingen, Phil.-Hist. Kl., № 6,
1973], Göttingen, 1974 (այսուհետև՝ HHL); J. D. Hawkins, Negatives in Hie-
rogllyphic Luwian, „Anatolian Studies“ XXV, 1975 և այլն)։ Երանց շնորհիվ այժմ կարելի
է ապացուցված համարել հիերոգլիֆային գրի լեզվի՝ «կարգի» բովանդակման մաս
կանգնած թի-
ները։ Ուր պատճառով մասնագիտական գրաստություն մեջ վերջին տասնամյակում գերիշխում
է հիերոգլիֆային բովանդակման տեղիքը՝ նախկինում բնագրված հիերոգլիֆային խմբերին
փոխարեն (տե՛ս IHI, p. 4 և այլուր)։

⁸ Մեկիցյան արձանագրությունները հրատարակել է Մերիցի (MEI II, Test 1-2՝ 6 3՝
serie, № 97-99, 101-119), Երկու արձանագրություններ՝ Karakuyu I, II (№ 95-96)
չափազանց արժեքի և դժվարամատչելի են ինչ երբեք որոշում՝ Aslantaş (№ 100) պե-
ղանվել է միայն 3-4 նշան, այդ պատճառով էլ հայտնի չէ՝ որտեղ պատկանելիությունը։ Վեր-
ջինյալ հանդամանքներից նշանով՝ որտեղ չեն մացվել երկու ուսումնասիրության ոլորտը։

⁹ Արզեն մ. թ. ա. II-VIII դդ. հիերոգլիֆային գիրը թեկնդարում է իր զարգացման վեր-
ջին շրջանը, սրբ բնութագրվում է նշանների զարգափարազային կիրառության խիստ սահման-
փակմամբ։ Ինչ չբացահայտված գերակշռում են վանկային նշանները։

¹⁰ Ոչ միայն ուշխոթական արձանագրություններում, այլև հին արևելյան մյուս զբաղող
հուշարձաններում նման երևույթ չի նկատվում։

ուսումնասիրման երկու հիմնական աղբյուրների (հիերոգլիֆային և սեպագիր) համադրման հարցին, հարկ է նշել, որ այստեղ գոյություն ունի մի կարևոր հանգամանք, որով և պայմանավորված է այս պետության պատմության վերականգնման դժվարություններից մեկը: Եթե մյուս պետությունների վերաբերյալ ստորեկտանյան աղբյուրներում պահպանված են շատ թե քիչ կանոնավոր տեղեկություններ (Կարգամիս, Կոմմուխ, Խաթինա, Համատ և այլն), ապա Մեկիդի մասին հիշատակությունները բավական սուղ են: Ավելին, Մեկիդի ոչ մի անգամ չի հիշատակվում մ. թ. ա. XI—IX դդ. կեսերն ընկած ժամանակահատվածում: Եվ քանի որ հենց այդ շրջանին են վերաբերում մեկիդյան արձանագրությունների մեծ մասը, հիշյալ ժամանակաշրջանի ուսումնասիրությունը խիստ միակողմանի բնույթ է կրում: Դժբախտաբար, մյուս ուշխեթական պետությունների արձանագրություններում նույնպես ոչ մի տեղեկություն չկա Մեկիդի վերաբերյալ:

Մեկիդի պատմության գիտական ուսումնասիրության մեջ տեղ գտած բարդությունների վառ օրինակը նրա թագավորների համեմատական աղյուսակն է ըստ երկու խումբ աղբյուրների¹¹:

Ասորեստան/Ուրարտու

Մեկիդ

Ալլումարու (մ. թ. ա. XII դ. վերջ)

Յարրի-Թարխունտաս (մ. թ. ա. XII դար)¹²

Լալլի (մ. թ. ա. 853—835 թթ.)

Տարաս¹³

Սուլեխավալի(?) (մ. թ. ա. 800 թ.)¹⁴

Վալա-Ռոնտիյաս

Սախու (մ. թ. ա. 780 թ.)

Նալպա-սուլուպիս

Խիլարուադա (մ. թ. ա. 780—750 թթ.)

Սուվաիրմիս¹⁵

Սուլումալ (մ. թ. ա. 745—732 թթ.)

Մաիրաուխ

Դունդինանու(?)

X-zī-Tarhuntas¹⁶

Թարխունադի (?—712 թ.)

Սուլումիլի I

Ռոնտիյաս

¹¹ Մեկիդի թագավորների և նրանց տիտղոսների համար ահ'ս W. Orthmann, Untersuchungen zur späthethitischen Kunst (այնուհետև՝ USK), Bonn, 1971, S. 207—208; J. D. Hawkins, Assyrians and Hittites, p. 76—79; MEG II: Testi-2^a e 3^a serie, p. 62—64. Բոլոր թվականները մոտավոր են և հշտման կարիք ունեն:

¹² Այս անվան նախկին ընթերցումն է Արի-Թեշուբ (E. Laroche, Les noms des hittites [այնուհետև՝ Noms], Paris, 1966, № 127b, p. 38): Այնուհետև բարդ կառուցվածք ունեցող բոլոր հատուկ անունները բերվում են գծիկով անջատված՝ զրանց բաղադրիչները ջուլջ տալու նպատակով:

¹³ 82+ra/i-sa անվան ընթերցումը պայմանավորված է նրա գրության առաջին նշանի ալերոֆոնիկ ընթերցումով որպես ta (HH, № 82, p. 49—50; նաև՝ HHG, № 79, S. 195): Մա ոտապիդի հետևանքով ձևափոխված հին անատոլիական Դադաս/Տառաս անձնանունն է, (տե'ս Noms, № 1300 և 240—241):

¹⁴ Ակնհայտ է, որ Սուլեխավալին սխալ ընթերցման արդյունք է (տե'ս Н. В. Арутюнян, Заметки по урартской эпиграфике («Древний Восток и мировая культура», 1981, с. 74—76):

¹⁵ Դժբախտաբար սա հայտնի է միայն իր որդու՝ Մաիրաուխի արձանագրությունից (Malatya III), ընդ որում պարզ չէ նրանց կապը Մեկիդի մյուս տիրակալների հետ:

¹⁶ Ինչպես այս, այնպես էլ մյուս դեպքերում, երբ որևէ բառի ամբողջական ընթերցումը կասկած է հարուցում, ստիպված ենք տալ միայն նրա գիտական լատինատառ տառադարձումը՝ որպես հիմք ընդունելով կարողի սխտեմը (HH, p. 263—268), հալիի առնելով նաև նորագույն ուսումնասիրությունները (HHL, p. 50):

Առնուվանտիս I
Սուլումիլի II
Առնուվանտաս II¹⁷
Սախուիս
X-ti-Runtiyas

Ինչպես տեսնում ենք, անուններից միայն երկուսն են մասնակիորեն համընկնում (Սախու—Սախուիս, Սուլումալ—Սուլումիլի), այն էլ դեռևս պարզ չէ, իսկապես գործ ունենք նույն անձնավորության հետ, թե դա միայն անունների սովորական զուգադիպություն է։ Ամենայն հավանականությամբ Մեկիզի թագավորների մեծ մասը (Տարասից մինչև Առնուվանտաս II) իշխել է սեպագիր աղբյուրներում հիշատակվող Ալլումարուի և Լալլիի միջև ընկած ժամանակահատվածում, այսինքն՝ մ. թ. ա. XI—IX դդ. կեսերը։

Մեկիզի տարածքից հայտնի հնագույն արձանագրությունը՝ Karahöyük-ը¹⁸, բավական դժվարամատչելի է՝ նրանում տեղ գտած մեծ թվով նշանների և բառերի անընթեռնելիության պատճառով։ Ուսումնասիրողների կարծիքով այն պետք է թվագրել Թիգլաթպալասար I-ի շրջանով։ Արձանագրության կազմողը՝ Յարրի-Թարխունտասը, իրեն մեծարում է որպես «346-ti-67 (-67) երկրի մեծ արքա»։ Հարկ է նշել, որ ուշ շրջանի մի արձանագրությունում առկա է «346-(la) քաղաքի աստված Թարխունտասը» (Malatya IX, a,aa)։ Եթե հիշյալ տեղանունները նույնն են, ապա մի էական դժվարություն է ծագում արձանագրության թվագրման կապակցությամբ։ Հայտնի է, որ Մեկիզի հետ առնչվող ասորեստանյան և ուրարտական թագավորները հիշատակում են այդ պետության նույնանուն քաղաքի թագավորներին։ Իրենց հերթին Մեկիզի բոլոր թագավորները կրում են «Մեկիզ քաղաքի/երկրի թագավոր/երկրի տիրակալ»¹⁹ տիտղոսները, եվ եթե «346-ti-67(-67) երկիրը» Մեկիզի անվան գրության մի տարբերակը չէ, որ խիստ կասկածելի է²⁰, ապա պետք է ենթադրել, որ հիշյալ արձանագրությունը վերաբերում է մի շրջանի, երբ Մեկիզը դեռևս մայրաքաղաք չէր։ Այդ դեպքում Յարրի-Թարխունտասը կարող էր իշխել մինչև Թիգլաթպալասար I-ը ընկած շրջանում, այսինքն մ. թ. ա. XII դարում։

Արձանագրությունը հետաքրքիր տեղեկություններ է պարունակում Յարրի-Թարխունտասի գործունեության մասին։ Մասնավորապես, խոսքը գնում է նրա նվաճողական քաղաքականության մասին։ Խոսելով Թարխունտաս աստծու՝ իր նկատմամբ տաժած սիրո և բարեհաճ վերաբերմունքի մասին, նա հայտարարում է. «346-ti-67 երկրին նա (Թարխունտասը—Մ. Հ.) երեք քաղաքներ՝ Լա/իկարաման, 26-282-ու-ն (և) 286-mala-ն իրեն իշխելու համար տվեց»²¹։

Յարրի-Թարխունտասի նվաճումների ուղղության որոշման համար կարելի էր է առաջին քաղաքի՝ Լա/իկարամայի, տեղագրությունը, քանի որ հաջորդ երկուսի անունները դեռևս ընթերցված չեն։ Հավանաբար, իրավացի է է. Լա-րոշը, որի կարծիքով այս քաղաքը համապատասխանում է խեթական աղբյուր-

¹⁷ Սրա և իր անվանակից նախորդի անունների միջև թեթևակի տարբերությունը, հավանաբար, բացատրվում է որոշ հիբրուիֆային վանկային նշանների ընթերցման յուրահատկություններով, երբ բաղաձայն + ձայնավոր կառուցվածք ունեցող միևնույն նշանը կարող է մեկից ավելի ձայնավոր պարունակել. օրինակ t+a/j (տե՛ս HH, № 90, p. 53—56)։

¹⁸ MEG II, № 101+MEGT, Tav. XIV.

¹⁹ «Երկրի տիրակալ» տիտղոսը բարդ կառուցվածք ունեցող և դեռևս չընթերցված KUR-ni EN-la (I) s բառակապակցության պայմանական մեկնաբանությունն է (HHG, S. 172—173)։ Այս տիտղոսը կրում էին Մեկիզի, Կարգամիսի և Կումմուխի (?) տիրակալները, որը ամենայն հավանականությամբ փոխարինում էր «Թագավոր» գաղափարագրով արտահայտվող բառին՝ LUGAL-tis (տե՛ս HHG, S. 173—174)։

²⁰ Մեկիզ քաղաքի անվան գրության ձևն է՝ 109—125-zl^{URU} (տե՛ս HH, № 109, p. 70)։

²¹ Karahöyük, 10.

ներում բազմիցս հիշատակվող Թա/եգարամային (աստուր. Թիլ-Գարիմնու, ասորիկ Γαργαριμ, այժմ՝ Գյուրյուն)²²,

Ամփոփելով վերը ասվածը Մելիդի սեբիտորիայի մասին Յարրի-Թար-խունտասի օրոք, հարկ է նշել, որ, հավանաբար, այնքի ուշ շրջանի Մելիդի ոչ բոլոր մասերն էին մտնում այդ թագավորի պետության կազմը։ Սա Թոխմասուի ավազանում գտնվող խեթական պետության քաղաքների և շրջանների՝ «346-ի-67(-67) երկրի/քաղաքի» շուրջը միավորման ժամանակաշրջանն էր։ Հավանաբար, Թիգլաթպալասար I-ի օրոք այդ միավորումն ավարտվել էր, սակայն արդեն մի ուրիշ՝ Մելիդ քաղաքի գլխավորությունը։ Նյութի անբավարարություն պատճառով դժվար է ասել, թե որոնք էին այդ թագավորության կենտրոնի՝ արևմուտքից արևելք տեղափոխման պատճառները²³,

Ժամանակագրական առումով հաջորդ արձանագրությունը՝ Izgin-ը²⁴, բավական հետաքրքիր նյութ է պարունակում Տարաս թագավորի կառավարման մասին, Դժբախտաբար ոչինչ հայտնի չէ նրա և Յարրի-Թարխունտասի ազգակցական կապի մասին, այդ պատճառով էլ դժվար է ասել, թե երբ է իշխել Տարասը։ Բացառված չէ, որ այս երկուսի միջև ընկած շրջանում Մելիդը կառույց էր ունենալ նաև ուրիշ թագավորների։

Արձանագրության սկզբում խոսվում է ինչ-որ հողերի գրավման մասին. «Եվ հովիտները հովիտներին, սահմանները սահմաններին ես արեցի»²⁵, Գրավված շրջաններում Տարասը քաղաքներ է հիմնում, «Ես կառուցեցի 428-tawa/i քաղաք և [.....] քաղաք ես նստեցրի (այսինքն՝ հիմնեցի), քաղաքներում X-liyanis- ի ես նստեցրի, 343-120 քաղաք իմ հզորության և ուժի համաձայն [.....]»²⁶, Հավանաբար, X-liyanis-ը ինչ-որ պաշտոնի անվանում է²⁷։ Կարելի է ենթադրել, որ այդ պաշտոնատար անձի մասին է խոսում Տարասը քիչ անց, որտեղ հիշատակվում է ոմն Անուվանտիս, որի համար թագավորն ինչ-որ բան է արել։ Նման ենթադրության առիթ է տալիս այն, որ վերոհիշյալ հատվածից հետո շարադրանքում պարզորոշ խոսվում է ոչ թե թագավորի, այլ մի երրորդ անձի գործունեության մասին։ Մասնավորապես, ասվում է, որ «նա ընդարձակեց սահմանները, X-wani(n)zi քաղաք և Sali-[...]»²⁸ զի քաղաքը նա սահման դարձրեց²⁹։ Այնուհետև խոսվում է երկու այլ քաղաքների մասին՝ 343-120(-) և [.....]- na, սակայն վնասվածքի պատճառով դժվար է ասել, թե դրանք այստեղ ինչ դեր են խաղացել։

Ինչպես նախորդ արձանագրության մեջ, այստեղ ևս կրկին ծագում է տեղանունների անբավարար ընթերցման արգելքը։ Այնուամենայնիվ, հիշյալ քաղաքներից մեկը՝ 428-tawa/i-ն, կարելի է համեմատել Կարգամիսյան արձանագրություններից մեկում հիշատակվող 428-tā-ā-x քաղաքի հետ²⁹։ Չնայած

²² HH, № 225, էջ 123:

²³ Ուսումնասիրվող արձանագրությունը հայտնաբերվել է Մալաթիայից արևմուտք գտնվող էլբիստան քաղաքի շրջակայքում (Կարահյույուք գյուղի մոտ), որը և թույլ է տալիս ենթադրելու, որ այդ շրջանում էր գտնվում Յարրի-Թարխունտասի պետության կենտրոնը։

²⁴ MEG II, № 102+MEGT, Tav. VIII.

²⁵ Izgin, 4.

²⁶ Նույն տեղում, 6—9. այնքան էլ պարզ չէ այս հատվածում հիշատակվող երկրորդ քաղաքի նկատմամբ կատարված գործողությունը։ Հիբրոգլիֆային արձանագրություններում սովորաբար isanuwa բայը ունի «տեղադրել, նստեցնել» նշանակությունը (HHG, S. 37—38) և շինարարական արձանագրություններում այն բնորոշում է այս կամ այն աստծու արձանի կամ պատկերի տեղադրումը (տե՛ս № 39 ծանոթագրությունը)։ Սա թույլ է տալիս ենթադրելու մեր արձանագրության մեջ ոչ թե քաղաքի, այլ մի ուրիշ կառույցի (տաճար, աստծու արձան) շինության մասին։

²⁷ HHG, № 248, S. 218; նույնի՝ MEG II: Testl-²³ e 3^a serie, p. 40.

²⁸ Izgin, 22—24.

²⁹ HH, № 428, p. 222.

վերջինս առայժմ նույնպես տեղադրված չէ, սակայն ամենայն հավանականությամբ այդ քաղաքը կարող էր գտնվել երկու պետությունների միջև ընկած շրջանում, եթե միայն սա անունների պատահական զուգահեռություն չէ: Այդ դեպքում մյուս քաղաքներն էլ կարող էին գտնվել նույն տարածքում, որի մասին անուղղակի վկայում է Առնովանտիսի գործունեության մասին հատվածը. հավանաբար, վերջինս կառավարիչ էր նշանակվել նոր նվաճված տերիտորիաներում:

Ինչպես երևում է, Տարասի կառավարման շրջանում Մեկիդը զգալի հաջողություններ է ունեցել արտաքին քաղաքականության բնագավառում: Ի դեպ, Տարասն առաջինն է Մեկիդի թագավորներից, որ կրում է «Մեկիդ քաղաքի երկրի տիրակալ» տիտղոսը: Սա խոսում է այն մասին, որ Տարասի օրոք երկրի մայրաքաղաք էր դարձել Մեկիդ քաղաքը:

Մեկիդյան երկու արձանագրություններ՝ Kötükale-ն³⁰ և Gürün-ը³¹, ամենայն հավանականությամբ, կադմված են Izgün-ից 70—80 տարի անց և վերաբերում են Մեկիդի թագավոր Ռունտիյասին: Հետաքրքիր է, որ Ռունտիյասը կրում է «Կարդամիսի հերոս» բավական արտասովոր տիտղոս³²: Առաջին արձանագրությունը շատ հակիրճ բովանդակություն ունի. այստեղ խոսվում է միայն ինչ-որ «մեծ ճանապարհի» կառուցման մասին:

Առավել հետաքրքիր է երկրորդը՝ Gürün-ը, որտեղ երկու անգամ հիշատակվում է նախորդ արձանագրություններից հայտնի 428-ձ քաղաքը³³: Երկրորդ դեպքում այդ քաղաքից հետո խոսվում է երկու լեռների՝ Խառխառի և Մուցիի մասին, որոնց նկատմամբ Ռունտիյասը ինչ-որ գործողություն է կատարել³⁴: Չնայած արձանագրության վնասվածքին, պետք է ենթադրել, որ թագավորն այս լեռների շրջանում քաղաք է կառուցել, որի համար իրեն «այդ աստվածները բարձրացրել են»: Հիշյալ քաղաքի տեղադրման կապակցությամբ լուրջ ուշադրության են արժանի Կայսերիի (անտիկ Կեսարիա) շրջանից հայտնաբերված երեք հիերոգլիֆային արձանագրություններ (Hisarcik I, II; Tekirderbent I), որտեղ հիշատակվում է Խառխառ լեռը³⁵, Խառխառի համադրումը Կայսերիից հարավ գտնվող էրջիյաս (անտիկ Արզնոս) հրաբխային լեռան հետ³⁶, հավանաբար, խոսում է այն մասին, որ 428-ձ քաղաքը պետք է գտնվեր այդ լեռան շրջակայքում:

Չնայած համեմատաբար սուղ տեղեկություններին, այնուամենայնիվ պետք է ենթադրել, որ Ռունտիյասի օրոք Մեկիդն իրենից մի բավական ընդարձակ պետություն էր ներկայացնում: Եթե էրջիյաս լեռան շրջանը պատկանում էր Մեկիդին, ապա նշանակում է, որ այդ պետությունը ձգվում էր արևելքից արևմուտք մոտավորապես 250 կմ տարածության վրա: Տարածքով փոքր, երբեմն նաև աննշան ուշխեթական պետությունների համեմատությամբ Մեկիդը կարող էր հզոր պետություն համարվել:

Հաջորդ արձանագրությունը՝ Darenden-ն³⁷, պատկանում է Առնովանտաս II-ին, որն իշխել է Ռունտիյասից մոտավորապես երկու սերունդ հետո:

³⁰ MEG II, № 104+MEGT, Tav. IX.

³¹ Նույն տեղում, № 97+MEGT, Tav. VI.

³² Նման տիտղոս կարող էր կրել Կարգամիսի թագավորական դինաստիայի հետ որևէ առնչություն ունեցող անձնավորություն: Դժբախտաբար Մեկիդի և Կարգամիսի հարաբերությունների մասին ոչ մի տեղեկություն չկա:

³³ Gürün, 2, 6.

³⁴ His(a)- բայի իմաստը գեռես պարզաբանված չէ (տե՛ս MEG II: Testi-2^a e 3^a serie, p. 32—33).

³⁵ Hisarcik I, 1 (MEG II, № 68+MEGT, Tav. II); Hisarcik II, 2 (MEG II. № 69+MEGT, Tav. III); Tekirderbent I, 3, 4 (MEG II, № 70+MEGT, Tav. IV).

³⁶ HHG, S. 51.

³⁷ MEG II, № 98+MEGT, Tav. VII.

Չնայած փոքր ծավալին, այն մեծ նշանակություն ունի Մեկիդի պատմության ուսումնասիրման համար:

Առնում անտառ 11-ը հաղորդում է. «Եվ ես նրան 485-1j³⁸ քաղաք 57-manin-ում նստեցրի (այսինքն՝ տեղադրեցի) և այս արձանագրությունը/հուշասյունը (?) աստծու համար դրեցի»³⁹; № 57 հիերոգլիֆի ակրոֆոնիկ ընթերցումը որպես ka, որի շնորհիվ քաղաքը ստանում է Կամանի տեսքը⁴⁰, կարծես ամրապնդվում է թե՛ մեկիդյան և թե՛ ասորեստանյան ու ուրարտական աղբյուրների հաղորդած տեղեկություններով:

Արգիշտի I-ի խոստովության տարեգրության շորրորդ տարվա դեպքերի կապակցությամբ հիշատակվում է Կամանանի երկիրը⁴¹, ընդ որում արշավանքի տվյալները խոսում են նրա՝ Մեկիդ քաղաքից (տե՛ս Մեկիտեա խոստովության արձանագրությունում) արևմուտք ընկած լինելու օգտին⁴²։ Ավելի ուշ Սարգոն II-ը, խոսելով Մեկիդի տարածքի մասին, այն անվանում է Կամանու⁴³,

Այսպիսով, եթե մեր արձանագրության մեջ ճիշտ է Կամանի ընթերցումը, ապա պետք է ենթադրել, որ Կամանանի/Կամմանու երկիրը ոչ այլ ինչ է, քան Մեկիդի կազմի մեջ մտնող մի շրջան:

Առավել դժվար է այս Կամանիի նույնացումը, քանի որ դրանից է կախված Մեկիդի տարածքի հարցը: Մասնագիտական դրականության մեջ առայժմ չկա վերջնական կարծիք հիեր. Կամանի-ասսուր. Կամմանու-ուրարտ. Կամանանի փոխհարաբերության մասին⁴⁴, այդ պատճառով էլ հարցի լուծումը բաց է մնում:

³⁸ Այս բառը 57-manin քաղաքի մակդիրն է, որի իմաստը առայժմ անհայտ է (HH, № 485, c. 243),

³⁹ Darendé, 2—3: Բերված հատվածի առաջին մասի թարգմանությունը որոշակի դժվարություններ է հետ է կապված. awa-tu 57-manin URU 485-lin isanuwaha նախադասությունը՝ կրկնվող հիերոգլիֆային լուսկերենի բերականության կանոններից, անհրաժեշտ է մեկնարանել ինչպես բերված է վերը: Հարկ է նշել, որ հիերոգլիֆային լուսկերենում ներգոյական հոլովի բացակայության պայմաններում այդ հոլովի իմաստը հաճախ արտահայտվում է հայցականով: Այդ նշանակում է, որ բերված հատվածը բառացիորեն այսպես է թարգմանվելու. «Եվ ես նրան 485-lin 57-manin քաղաքը (այսինքն՝ քաղաքում) նստեցրի»:

⁴⁰ HHG, S. 72, նշանի համար աե' a HH, № 57, p. 36—37.

⁴¹ H. B. Арутюнян, Хорхорская летопись Аргшти I («Эпиграфика Востока», VII (այնուհետև՝ Хорхорская летопись), 1953, М.—Л., с. 92); 18; նաև՝ Г. А. Мелник и в. и. л. Урартские клинообразные надписи (այնուհետև՝ УКН), М., 1960, № 127, ст. II, с. 18.

⁴² H. B. Арутюнян, Биайнили (այնուհետև՝ Биайнили), Ереван, 1970, с. 203—207.

⁴³ D. D. Luckenbill, Ancient Records of Assyria and Babylonia, I—II (այնուհետև՝ ARAB), Chicago, 1926—1927, II, §§ 26, 60, 79, 92, 99.

⁴⁴ Հանդերձակերը Կամմանու տեղագրում է Գյուրյունի մոտ գտնվող Ողուն յալլա բնակավայրի շրջակայքում (B. Landsberger, Sam'al, Ankara, 1948, S. 20, Anm. 40); Մեկիդի նույնացում է Կամանին Կամմանուի հետ, սակայն խուսափում է գրանց տեղադրումից (HHG, S. 72); Թվում է, ճիշտ է Դյակոնովը, երբ առաջարկում է Կամանանի-Կամմանու-անտիկ Kōmāna (Կատանյան) համադրությունը (ПАН, с. 134), Կատանյան Կոմանան մ. թ. ա. II հազ. լուսկերական խոշորագույն կրոնական կենտրոն Կոմմաննին է (Göht, S. 211—216, 221), որը, ամենայն հավանականությամբ, կարող էր առանձնանալ այդ ոեղիոնի մյուս քաղաքներից (տե՛ս 485-lin մակդիր): Հազիվ թե մ. թ. ա. VIII դ. սեպագիր աղբյուրները Մեկիդ կոչին մի քաղաքի անունով, որն իր նշանակությամբ և դերով գիշեր Մեկիդ քաղաքին և որը շատ հնարավոր է Կոմմաննի-Կոմանա-Կամանի դեպքում: Որ Մեկիդ քաղաքից այդքան հեռու ընկած շրջանը կարող էր պատկանել Մեկիդին, այնքան էլ անհավանական չէ, եթե հիշենք, որ Karahöyük-ը և Izgün-ը գտնվել են անտիկ Կոմանայից ընդա-

Darende-ն մելիդյան վերջին արձանագրությունն է, որը պատմական որոշակի նյութ է պարունակում: Մելիդի տարածքից հայտնի մյուս արձանագրությունները շինարարական և մաղթանքի տեքստեր են⁴⁵, որոնք, իհարկե, չեն կարող նպաստել նրա ռազմաքաղաքական պատմության ուսումնասիրությանը:

Մելիդի թագավորների անունների և նրանց ժագումնաբանության առումով որոշակի հետաքրքրություն են ներկայացնում Մալաթիայի շրջակայքից հայտնաբերված լափազանց հակիրճ 14 արձանագրություններ⁴⁶:

Դժբախտաբար, ժամանակագրական առումով մելիդյան արձանագրություններն ընդհատվում են մոտավորապես մ. թ. ա. VIII դ. կեսերին, չնայած գրանիշ հետո էլ Մելիդը պահպանում է իր գոյությունը համարյա կես դար:

Վերն արգեն նշվեց, որ Թիգլաթպալասար I-ից հետո ասորեստանյան աղբյուրներում ավելի քան երկու և կես դար Մելիդն ընդհանրապես չի հիշատակվում, նվ միայն մ. թ. ա. IX դ. կեսերից է նա հանդես գալիս Ասորեստանի թագավորների արձանագրություններում: Այսպես, Սալմանասար III-ի օրոք (մ. թ. ա. 850—824 թթ.) Մելիդը բազմիցս հիշատակվում է Ասորեստանին հարկատուների թվում⁴⁷ և, չնայած Մելիդը նվաճելու մասին այս թագավորի հայտարարությանը⁴⁸, թվում է, որ նա սահմանափակվել է միայն հարկի գանձմամբ: Ընդ որում պետք է ենթադրել, որ Մելիդը կամովին է ընդունել Ասորեստանի գերիշխանությունը, քանի որ այնտեղ չի խոսվում որևէ ընդհարման մասին: Սալմանասար III-ը բոլոր դեպքերում հիշատակում է Մելիդի թագավոր Լալլին:

Մ. թ. ա. XI դ. վերջին Մելիդը կրկին հիշատակվում է, սակայն այս անգամ արդեն ուրարտական թագավոր Մենուայի կողմից՝ նրա արևմտյան արշավանքի կապակցությամբ⁴⁹, Մենուան խոսում է Մելիդի թագավոր Խլարուադայից հարկ գանձելու մասին, որից կարելի է ենթադրել, որ Մենուան չի գրավել ողջ Մելիդը⁵⁰:

Արգիշտի I-ի խոսիտության տարեգրության չորրորդ տարվա (մ. թ. ա. 783 թ.)՝ դեպի արևմուտք կազմակերպած արշավանքի ընթացքում⁵¹ Մելիդն ընկնում է Ուրարտուի գերիշխանության տակ ընդհուպ մինչև Ուրարտուի պարտությունը՝ մ. թ. ա. VIII դ. 40-ական թվականներին Ասորեստանի դեմ մղված պայքարում: Ուրարտա-ասորեստանյան ընդհարման ժամանակ, որին նախորդել էր Սարգուրի II-ի կողմից Մելիդի դեմ մղված պատերազմը մ. թ. ա. 760 թ.⁵², Մելիդը հանդես է գալիս որպես Ուրարտուի դաշնակից⁵³: Թիգլաթպալասար III-ի (մ. թ. ա. 745—727 թթ.) հաղթանակով (մ. թ. ա. 743 թ.) Մելիդը վերջնականապես ընկնում է Ասորեստանի գերիշխանության տակ⁵⁴: Նրեք տասնամյակ անց՝ մ. թ. ա. 712 թ. Մելիդը գրավում է Սարգոն II-ը, և նրա թագավոր Գունդինանուն գահընկեց է արվում, իսկ Մելիդում նշանակվում է

մենը 60—65 կմ դեպի արևելք, ընդ որում Յարրի-Թարխունտասի օրոք, հավանաբար, Մելիդի կենտրոնը ընկած է եղել արձանագրությունների հայտնաբերման վայրում (տե՛ս № 23 ծանոթագրությունը):

⁴⁵ Shirzi (MEG II, № 119+MEGT, Tav. XII); Ispekçur (MEG II, № 103+MEGT, Tav. VII); Palanga (MEG II, № 99+MEGT, Tav. V).

⁴⁶ Malatya I—XIV (MEG II, № 105—118+MEGT, Tav. IX—X).

⁴⁷ ARAB I, §§ 610, 636, 638.

⁴⁸ Նույն տեղում՝ §§ 641, 674, 685, 690:

⁴⁹ УХН 39.

⁵⁰ Биаһниди, с. 163—172.

⁵¹ Хорхорская летопись, с. 90—93; Биаһниди, с. 203—207.

⁵² Биаһниди, с. 239—241.

⁵³ ARAB I, §§ 769, 797.

⁵⁴ Նույն տեղում, §§ 769, 772, 800:

ասորեստանյան կառավարիչ⁵⁵, Շուտով թագավոր հռչակված Թարխունազին՝ Գունգինանուի որդին, ապստամբում է Ասորեստանի դեմ, և միայն մեծ դրժվարությամբ Սարգոն II-ին հաջողվում է ճնշել այն: Թարխունազին իր մերձավորների հետ ուղարկվում է Ասորեստան, իսկ Մելիդը մտցվում է Ասորեստանի կազմի մեջ⁵⁶:

Հիերոգլիֆային լուսիններն արձանագրությունների ուսումնասիրության ներկա մակարդակը դեռևս հեռու է բավարար լինելուց: Նոր արձանագրությունների հայտնաբերումը, ինչպես նաև հիերոգլիֆային գրի ու լեզվի հետագա ուսումնասիրությունը անշուշտ մեծապես կնպաստեն մ. թ. ա. XII—VIII դդ. Փոքր Ասիայի կարևորագույն պետական կաղմավորումներից մեկի պատմության առավել խոր հետազոտմանը:

ПОЗДНЕХЕТТСКОЕ ГОСУДАРСТВО МЕЛИД (по иероглифическим лувийским источникам)

АРАМ КОСЯН

Резюме

Обстоятельный анализ текстуального материала иероглифических лувийских надписей, обнаруженных на территории позднехеттского государства Мелид, в известной мере способствует многостороннему изучению истории и культуры этого важного политического объединения в восточной части Малой Азии в период XII—VIII вв. до н. э. Сведения, содержащиеся в этих надписях, восполняют значительный пробел в истории Мелида, который охватывает период от эпохи Тиглатпаласара I (1115—1077 гг. до н. э.) до середины IX в. до н. э., не освещенный ассирийскими и урартскими источниками.

Надписи позволяют определить, что в указанную эпоху Мелид вел экспансивную политику на западе, где ее границы доходили до района совр. Кайсери, и что упомянутая в клинописных источниках «страна» Каманани/Камману не что иное, как западная часть Мелида с центром Камани (хеттс. Куммани—антич. Комана) у истоков реки Гёксу.

⁵⁵ ARAB II. §§ 79, 92, 99.

⁵⁶ նույն աղբյուր, §§ 26, 60.